

Missingiut

Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsisip allanngortinneqarneranik inatsisissatut siunnersut

(Immami ingerlatanit mingutsitsinerup pitsaaliornissaanut killilernissaanullu, matumani Issittup imartaani Kalaallit Nunaata eqqaani imartani aningaasaqarnikkut immikkut oqartussaaffigisani uuliap oqimaatsup umiarsuit ikummatissaattut atorneqarnissaa siunertaralugu atorneqarnissaanut assartornissaanullu inerteqqut pillugu maleruagassanik aalajangersaanissamut piginnaatitsissut)

§ 1

Inatsimmi nr. 1534, 19. december 2017-imeersumi Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsimmi tulliusut allanngortinneqarput:

1. Kapitel 10-mi § 22-p kingorna ilanngunneqassaaq:

»§ 22 a. Miljøministeri immami ingerlatanit mingutsitsinerup pitsaaliornissaanut killilernissaanullu maleruagassanik, kapitali 2-9 imaluunniit §§ 21 imaluuniit 22-mi maleruagassanut ilaanngitsunik, aalajangersaassaaq, matumani nunat tamalaat akornanni isumaqatigiissutit eqqortinniarlugit.«

2. § 46, imm. 1-imi »§§ 22,«-p kingorna ilanngunneqassaaq: »22 a,«.

§ 2

Inatsit atuutilersinneqassaaq ulloq 1. juli 2024.

Inatsisissamut siunnersuummut nassuiaatit

Nassuiaatit nalinginnaasut

1. Aallarniut

Inatsimmut siunnersuummi uani siunnersutigineqarpoq, Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsimmut immami ingerlatanit mingutsitsinerup pitsaaliornissaanut killilernissaanullu maleruagassanik, inatsimmi kapitali 2-9 imaluunniit §§ 21 imaluunniit 22-mi ilaangitsunik, miljøministerimut aalajangersaasinnaanermut piginnaatitsissut ilanngunneqassasoq.

Aalajangersagaq uuliap oqimaatsup (kingorna taaneqartassaaq HFO, "heavy fuel oil") Issittup imartaani Kalaallit Nunaata eqqaani imartani aningaasaqarnikkut immikkut oqartussaaffigisani umiarsuit ikummatisaattut atorineqarnissaa siunertaralugu atorineqarnissaanut assartornissaanullu inerteqqut pillugu ilaatigut pisariaqartinneqarpoq.

Inerteqqut Marine Environment Protection Committee (MECP)-imit Naalagaaffiit Peqatigiit imarsiorneq pillugu suleqatigiiffiata ataaniittumit 2021-mi akuersissutigineqarpoq aamma umiarsuarnit mingutsitsinerup pitsaaliornissaanut nunat tamat akornanni isumaqatigiisummut 1973/78-imeersumut (kingorna MARPOL-imik taaneqartassaaq) Danmarkimillu akuerineqarsimasumut, ilanngussaq 1-imut ilanngunneqarsimavoq. HFO-mik inerteqqut aallaavittut naalagaaffinni isumaqatigiissuteqartuni akuersissutigineqarsimassaaq kingusinnerpaamik ulloq 1. juli 2024, taamaattorli umiarsuit ilaannut ulloq 1. juli 2029-mi. Inerteqqut umiarsuarnut umiarsuit isumannaatsuunissaat pillugu qulakkeerinninnermik suliaqarlutik peqataasunut imaluunniit ujaasinernik aamma annaassiniarnernik suliaqartunut, aamma umiarsuarnut uuliakoortoqarsimatillugu upalungaarsimanermut suleqataasunut atuutinngilaq.

Inerteqqut siullerpaamik Issittup imartaani HFO-mik mingutsitsisoqannginnissaanik pitsaaliuissaaq, taanna imaani avatangiisini sineriammut qanittumi pinngortitami ataqatigiinnut aarlerinaateqarmat. Tamanna ingammik Issittumut atuuppoq, imaani avatangiisit aamma sineriammut qanittumi pinngortitami ataqatigiit immikkut ittumik mianernarmata. Aammattaaq HFO-mik inerteqqut silaannarmik mingutsitsinerum pitsaaliuissaaq aamma silap pissusiata allanngoriartorneranik pitsaaliuissalluni, tassami HFO-mik atuineq, ikummatissanut oqinnerusunut sanilliullugu, sananeqaatinik minnernik amerlanerujussuarnik aniatsitsisarmat, black carbon (sod), CO₂ aamma svovl.

Naatsorsuutigineqarpoq miljøministerip HFO-mik inerteqquteqarneq pillugu piginnaatitsissut nalunaarummi ulloq 1. juli 2024-mi atuutilersinneqartussami maleruagassanik aalajangersaanikkut piviusunngortissagaa, taannalu qallunaat kalaallillu umiarsuaannut atuutissaaq, kiisalu umiarsuarnut nunanit allaneersunut, Kalaallit Nunaata eqqaani

imartani aningaasaqarnikkut immikkut oqartussaaffigisamiittunut, tamatumani nunat tamalaat akornanni inatsisaasunut naleqqiullugu qanoq naapertuutsiginera apeqqutaatillugu, atuutissalluni. Aammattaaq imaani avatangiisit illersorneqarnissaat pillugu inatsimmi § 33, imm. 1 aalajangersagaq atuuttoq malillugu Issittup imartaani tamani qallunaat umiarsuaannut, HFO-mik inerteqqut pillugu maleruagassanik aalajangersaasoqarnissaa naatsorsuutigineqarpoq, tak. Inatsisitut nalunaarut nr. 1165, 25. november 2019-imeersoq (matuma kingorna Danmarkip imaani avatangiisit pillugit inatsisaannik taaneqartassaaq). Kalaallit Nunaata imartaani avatangiisini HFO-mik inerteqqummut maleruagassat Kalaallit Nunaata aalajangersartarpai.

Aammattaaq aalajangersaanissamut piginnaatitsissut siunnersuutigineqartoq ilaatigut siunissami Kalaallit Nunaata eqqaani imartani aningaasaqarnikkut immikkut oqartussaaffigisani immami ingerlatanit, inatsimmi kapitalini 2-9-mi imaluunniit §§-ini 21-mi imaluunniit 22-mi aalajangersarneqarsimangitsunik, mingutsitsinerup pitsaaliornissaanut killilernissaanullu qulakkeerisussanik nunat tamalaat akornanni isumaqatigiissutit piviusunngortittarnissaannut periarfissiisassaaq. Taamaalilluni nunat tamalaat akornanni immat pillugit isumaqatigiissutini aamma Naalagaaffiit Peqatigiit imarsiornermut suleqatigiiffiata iluani nunat tamalaat akornanni mingutsitsinerup pitsaaliornissaanut killilernissaanullu isumaqatigiissutit pitsanngorsarniarlugit aaqqissuuteqarfiginiarlugillu ingerlaa-vartumik sulisoqarpoq. Aalajangersaanissamut piginnaatitsissutit siunnersuutigineqartoq danskit imaani avatangiisit pillugit inatsi-saanni § 33, imm. 1-imi aalajangersakkamut atuuttumut imamigut assinguvoq.

Issittumi Kalaallit Nunaata eqqaani imartani aningaasaqarnikkut immikkut oqartussaaffigisami HFO-mik inerteqqut pillugu aalajangersaasinnaanermut piginnaatitsinissaq pillugu siunnersuutip atuutinneqalertussat naatsorsuutigineqartup piviusunngortinnissaanut Kalaallit Nunaanni inuussutissarsiornermut aningaasaqarnikkut aamma allaffissornikkut aqutsinermut ukiumut miss. 22,7 mio. kr.-ninik (ukiumut 2020-mut naatsorsukkat) aningaasartuutininik kinguneqassasoq naatsorsuutigineqarpoq. Taamaattorli aningaasat taakku annertussusaannut ikummatissap akia apeqqutaassaaq taamaattumillu nalorninarartoqarluni. Aammattaaq Kalaallit Nunaanni Namminersorlutik Oqartussanut ukiumut 8,4 mio. kr.-nik aningaasartuutitaqassaaq, avatangiisinut aamma peqqissusermut iluanaarutitaqassalluni ukiumut 62,1 mio. kr.-nik, silap pissusianut iluanaarutitaqassalluni ukiumut 0,33 mio. kr.-nik iluanaarutitaqassalluni, kiisalu uuliamik kuuttoornernut annikinnerusunik aningaasartuutitaqassalluni. Erseqqissaatigineqassaaq, aningaasaqarnikkut kingunerissatut aamma peqqissusermut silallu pissusianut iluanaarutissatut missiliuutigineqartut inerteqqutip 2020-mi atuutilersinneqarnissaanik tunngaveqarsimammata. 2029-mut inuiaqatigiinnut kingunerussat aamma iluanaarutissat siumut ullulernerqarsinnaasimangillat, ukiumi tassani inerteqqut umiarsuarnut tamanut atuutilertussaavoq, taamaattorli sorsuutitut umiarsuarnullu allanut naalagaaffimmit pigineqartunut atorneqartunulluunniit, umiarsuarnut taamaallaat iluanaarniutaanngitsumik naalagaaffimmit atorneqarallartunut atuutissanngilaq, tak. inatsimmi § 3, imm.

4, umiarsuarnut umiarsuit isumannaatsuunissaannik qulakkeerinninnermut suliaqarnermut peqataasunut imaluunniit ujaasinernik aamma annaassiniarnernik suliaqartunut, aamma umiarsuarnut uuliakoor-toqarsimatillugu upalungaarsimanermut suleqataasunut inerteqqut atuutissaaq.

2. Immami ingerlatanit mingutsitsinerup pitsaaliornissaanut killilernissaanullu maleruagassanik aalajangersaanissamut piginnaatitsissut

2.1. Inatsit atuuttoq

Namminersorlutik Oqartussat imartami imaani avatangiisit illersorneqarnissaat pillugu suliaffigisani tigusiavaat, taanna imartat iluanni imartallu avataanni sinerissamit killeqarfeqartoq tunngaviusumik titarnerit killiliussaniit qaqugukkulluunniit atuuttunit 3 sòmilit tikillugit avasitsigisumiittoq. Danmarkip Kalaallit Nunaata eqqaani imartani aningaasaqarnikkut immikkut oqartussaaffigisaq, Kalaallit Nunaata imartaanit imartat avataannik iluannilu sinerissamit killeqarfeqartoq tunngaviusumik titarnerit killiliussaniit qaqugukkulluunniit atuuttunit 200 sòmilit tikillugit avasitsigisumiittoq suli piginnaatitaaffigaa, tak. Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsimmi § 5. Imaq pillugu inatsisunik atuutsitsineq pillugu isumaqatigiisummi art. 57 naapertorlugu aningaasaqarnikkut immikkut oqartussaaffigisaq titarnerit killiliussaniit uuttortarneqartarpoq, kisianni taamaallaat imartap avataani imartaq kisimi pineqarluni, tassa imaappoq dvs. 3 sòmilit tunngaviusumik titarnerit killiliussaniit 3 sòmilit tikillugit avasitsigisumiittumit aamma titarnerit killiliussaniit 200 sòmilit tikillugit avasitsigisumiittumut.

Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsit qallunaat kalaallillu umiarsuaannut silaannakkullu angallassisutaannut, Kalaallit Nunaata eqqaani imartani aningaasaqarnikkut immikkut oqartussaaffigisanniittunut atuuppoq, aamma umiarsuarnut nunanit allaneersunut Kalaallit Nunaata eqqaani imartani aningaasaqarnikkut oqartussaaffigisaanniittunut taassumaluunniit avataaniittunut atuulluni, tamanna nunat tamalaat akornanni inatsisaasunut naapertuuppat, tak. inatsimmi § 3, imm. 1. Umiarsuarnut silaannakkullu angallassisutinut maleruagassat aningaasaqarnikkut immikkut oqartussaaffigisami sikumi ingerlatanut aamma taamatut atuupput, ingerlatat inatsisip allap ataani aalajangersaaffigineqarsimangippata, tak. § 3, imm. 2. Kalaallit Nunaanni aatsitassanut ikummatissanullu inatsisip ataani ingerlatanut atatillugu imartanik illersuineq inatsimmut ilaangilaq, tak. inatsimmi § 3, imm. 3. Aammattaaq inatsit sorsuutinut umiarsuarnullu allanut naalagaaffimmit pigineqartunut atorneqartunulluunniit, umiarsuarnut taamaallaat iluanaarniutaanngitsumik naalagaaffimmit atorneqarallartunut atuutinnigilaq, tak. § 3, imm. 4.

Inatsisip kapitalii 2-9 ilaatigut uuliamik imaarsineq, pitsaassutsinut immikkoortiterisarnissaq, akuutissat suikkaasut imerpalasullu bulkimut assartorneqarnissaat imaarneqarnissaallu, erngup tankinut errortuutaasup usingiarneqartarnera aamma imaarutiginer, akuutissanik atortussanillu poortugaasunik assartuineq, containerinik il. il. assartuineq, imermik oqi-maaloqutaasumik aamma imikumik kuuffitsigut kuutsitsineq aamma eqqa-gassanik eqqaaneq, aamma immap naqqanit qaqinneqartunik eqqaaneq imaluunniit aalisakkanik pisanillu eqqaaneq pillugit maleruagassanik aalajangersaanissamut piginnaatitsissutinik ilaatigut imaqarpoq. Tamatuma saniatigut inatsisitigut, passussinissamut maleruagassat aalajangersar-neqarsimapput, matumani imermik oqimaaloqutaasup kinnganikullu passunnissaanut atugassap sanaartukkap sananeqaataanik akuerinnineq, aamma akuutissanik atortussanillu allanik eqqaanissamut inerteqqut pillugu maleruagassat ilanngulluigt, atortussanik immap naqqanit qaqinneqartunik imaluunniit aalisakkanik pisanillu eqqaaneq pinnagit. Kapitali 10-mi § 21-mi akuutissanik atortussanillu ikuallaanermut, matumani inerteqqummut maleruagassanik aalajangersagaqarpoq. § 22-mi aalajangersakkap miljøministeri immikkut pineqaatissiissutit pillugit maleruagassanik, matu-mani umiarsuarni ikummatissanik umiarsuarniittoqarnissaanut piumasa-qaat pillugu aalajangersaanissamut piginnaatippaa, silaannarmik mingutsitsinerup killilerneqarnissaa siunertaralugu. § 22-mut inatsimmut oqaase-qaatit malillugit, tak. Folketingstidende 2017-18, tillæg A, L 53-mi saqqum-miunneqartutut, qupp. 42, aalajangersakkap silaannarmik mingutsitsineq killilersussavaa, aamma taanna MARPOL-imut isumaqatigiissummi ilanngussartaani: VI silaannarmik mingutsitsinermik pitsaaliuineq-mik, tunuliaqutaqarpoq aamma tamatumunnga naapertuutsillugu atuarne-qassalluni. Ilanngussaq VI nakkutilliineq aamma akuersissutinik tunniussi-neq pillugit maleruagassanik, umiarsuit anitsitsinerannik nakkutilliineq (matumani akuutissat ilaannik ikuallaanissamut inerteqqut) aamma nunat tamalaat umiarsuaasa angallanneranni CO₂-mik aniatsitsineq pillugu piuma-saqaatit pillugit ilaatigut imaqarpoq. § 22-mi piginnaatitsissut atorneqan-gilaq.

Kapitalini 2-10-ni imaluunniit § 21-mi aalajangersaaffigineqarsimanngitsut pillugit inatsit atuuttoq malillugu imaani avatangiisini uuliamik koortoo-rnermut imaluunniit immami ingerlatanit allanit mingutsitsinermik pitsaa-liuinissamut killilernissaanullu inatsisikkut tunngavissaqanngilaq.

Nakkutilliinissamut pisussaaffik inatsimmi § 31-mi aalajangersar-neqarsimavoq, tamatumalu kinguneratut miljøministeri aamma forsvarsministeri inatsimmi, inatsillu malillugu maleruagassanik aalajangersarneqarsimasunik nakkutilliisussaapput. Forsvarsministerip imaani avatangiisinik nakkutilliinermik, matumani ilaatigut imarsionnermi imaani avatangiisinik nakkutilliinermik, imaani uuliamik akuutissanillu mingutsitsinermik akiuineq, nalunaarutinik tiguisarneq, umiarsuarmut suaarluni attaveqarneq kiisalu inassuteqarneq inerteqquteqarnerluunniit akisus-saaffigai. Miljøministerip nakkutilliinera allaffissornikkut aqutsinerune-ruvoq, miljøministeri Kalaallit Nunaaniinngimmat. Miljøministeri inatsisi-nut tunngasunut akisussaasuvoq.

Miljøministeri § 34, imm. 1 malillugu, ministerieqarfiup ataani naalagaaffimmi oqartussaasut suliarinnittussanngorlugit piginnaatissinnaavai imaluunniit naalagaaffimmi oqartussani allani ministeri attuumassuteqartoq isumaqatiginninniuteqarfigereerlugu, inatsit taanna malillugu miljøministerimut suliassanngortinneqarsimasunik suliarinnittussanngortitsisinnaavoq. Taamaalilluni miljøministerip nakkutilliinissamut imermik oqimaaloqutaasut pillugit maleruagassanik nakkutilliinissamut pisussaaffia, inatsimmi § 16, imm. 2 aamma 3, aamma § 17, imm. 4 malillugit aalajangersarneqarsimasut Miljøstyrelsenimut suliassanngortinneqarsimapput, tak. inatsimmi § 34, imm. 1.

2.2. MARPOL-imik isumaqatigiissut aamma HFO-mik inerteqqut ilanngussaq I regel 43A-mi

MARPOL-imik isumaqatigiissut, umiarsuarnit mingutsitsinerup pitsaaliornissaanik siunertaqartoq, ulloq 2. november 1973-imi Naalagaaffiit Peqatigiit imarsiorneq pillugu suleqatigiiffianit atsiorneqarpoq. Protokoli 1978-imeersoq kingorna akuersissutigineqarpoq taakkulu marluullutik 2. oktober 1983-imi atuutilerput. Tamatuma kingorna isumaqatigiissut 1997-imi protokolikkut allannngortinneqarpoq aamma ukiut ingerlanerini arlalinnik tapiliussanik allannnguinikkut allannngortinneqarluni.

Imaani avatangiisinik illersuinermut ataatsimiititaliap, MEPC-ip, Naalagaaffiit Peqatigiit imarsiornermut kattuffissuannit piginnaatinneqarluni suliassat avatangiisinut tunngasut suliarisarpai, matumani umiarsuit mingutsitsinerannik, MARPOL-imi aalajangersaavigineqarsimasunik nakkutilliineq pitsaaliuinerlu. MEPC-ip 2021-mi isumaqatigiissummi 76/15/Add.2-mi Issittup imartaani uuliap oqimaatsup umiarsuit ikummatissaattut atorneqarnissaa siunertarlugu atorneqarnissaanut assartornissaanullu inerteqqut akuersissutigaa. Isumaqatigiissut MARPOL-imik isumaqatigiissummi ilanngussaq I-imut ilanngunneqarsimavoq Issittup imartaani atuinissamut angallannissamullu immikkut ittumik piumasaqaatinut maleruagassatut 43A-tut. Isumaqatigiissummut ilanngussaq I-imi maleruagassat imaani uuliamik mingutsitsineq pitsaaliussavaat. Inerteqqut kapitali 9-mut ilanngunneqarsimavoq, Issittup imartaani uuliamik atuinermut angallassinermullu immikkut ittumik piumasaqaatinik aalajangersaasoq. Issittup imartai ilanngussap maleruagassaani 46.2-mi nassuiarneqarput.

HFO—mut inerteqqutit siullermik Issittumi HFO-mi uuliamik kuuttoornissamik pitsaaliuinissaq siunertaraa, tamanna imaani avatangiisinut aamma sinerissamut qanittumi pinngortitami ataqatigiinnernut aarlerinaateqarpoq, tassami ikummatissaq oqimaatsoq kinertuuvoq aamma ikummatissanit oqinnerusunit arrinnerusumik arrortinneqartarluni. HFO-mik inerteqqut aammattaaq silaannarmik mingutsitsinermik aamma silap pissusiata sunniutaanik pitsaaliueqataassaaq, tassami HFO-mik atuneq, ikummatissanut oqinnerusunut naleqqiullugu, sananeqaatinik minnernik amerlane-rujussuarnik aniatsitsisarmat, matumani black carbon, aamma anner-tunerusumik CO₂ -mik svovlimillu aniatitsisararluni.

HFO pingaernerusumik issittumi arriitsumik arrotinneqartarpoq aamma uulia oqimaatsoq taamatuttaaq sikup ataaniilersinnaavoq annertuumillu isorartussusilinnut siaruaassinnaasarluni, taamaattumillu Issittumi imaani avatangiisit aamma Issittumi sinerissamut qanittumi pinngortitami ataqati-giinnerit immikkut ittumik mianernartuupput. Issittumi sikup aannerata kinguneratut annerujartuinnartumik umiarsuarmik angallannerit, aamma aatsitassanut ikummatissanullu attuumassuteqartunik suliniutit nutaat takor-narialerinerullu kingunerattut siunissami uuliamik oqimaatsumik kuuttoor-nissamut aarlerinaatit annertunerulernissaat naatorsuutigineqarpoq.

Inerteqqutip nassataatut uuliat MARPOL-imi ilanngussaq I-mi, male-ruagassami 43.1.2-imi ilanngunneqarsimasut, Issittup imartaani ulloq 1. juli 2024-mit umiarsuit ikummatissaattut atorneqarsinnaajunnaassapput ima-luunniit umiarsuit ikummatissaattut atorneqarnissaa siunertaralugu assar-torneqarsinnaajunnaassallutik. Inerteqqut umiarsuit, umiarsuit isuman-naallisaaffigineqarnerannut imaluunniit ujaasinernut annaassiniarner-nulluunniit peqataappata, aamma umiarsuit Issittumi uuliamik kuuttoor-nermut atatillugu upalungaarsimanermik suliaqarlutik peqataasunut atatillu-gu atuutissanngilaq.

MARPOL ilanngussaq I-imi, maleruagassami 12A-mi pineqartunut umiar-suarnut, HFO-mik inerteqqut aatsaat ullormi 1. juli 2029-mi atuutilissaaq. Maleruagassaq umiarsuarnut katillugu uuliamik ikummatissamik 600m³-inik sinnerluguluunniit imartussusilinnut, aamma ulloq 1. august 2010-mi tunniunneqarsimasunut atuuppoq, (“tunniunneqarsimasut” ima paasi-neqassaaq: umiarsuit a) sanaartornissamut isumaqatigiissut isumaqatigiis-sutigineqarsimavoq ulloq 1. august 2007-mi kingusinnerusukkulluunniit, b) sanaartornermut isumaqatigiissut pigineqanngippat, taava ulloq 1. februar 2008-mi umiarsuit kujaalerneqarsimasunut, imaluunniit assingusu-mik sananeqarnerani killiffeqartunut c) ulloq 1. august 2010-mi kingu-sinnerusukkulluunniit tunniunneqarsimasunut, imaluunniit d) annertuumik sanaqqiineqarfigineqarsimasunut, i. tamannalu pillugu ulloq 1. august 2007-mi kingusinnerusukkulluunniit isumaqatigiissuteqartoqarsimasunut, ii. Isumaqatigiissuteqartoqarsimanngippallu suliarinera ulloq 1. februar 2008-mi kingusinnerusukkulluunniit aallartinneqarsimasunut, imaluunniit iii. ulloq 1. august 2010 naammassineqarsimasunut).

Tamanna aamma umiarsuarnut maleruagassami 1.2.1. kapitali 1, Part II-A-mi pineqartunut, nunat tamalaanut umiarsuarnut Issittup imartaani umiar-tortunut (tamatuma kingorna taaneqartassaaq “Issittumi imartani angallan-nermut avatangiisinut isumannaallisaanermullu maleruagassat”) atuu-tissaaq. Maleruagassami 1.2.1.-mut ilaapput umiarsuit immikkoortunut A-nut aamma immikkoortunut B-nut taaneqartartut (immikkoortunut A-aamma B-umiarsuarnut ilaapput umiarsuit, umiarsuup Issittumi umiar-tornissamut akuersissutaa naapertorlugu immikkoortunut A-tut imaluunniit B-tut umiarsuartut Søfartsstyrelsenimit akuerineqarsimasumit piginne-qatifiiffinnik pitsaassusiliisartunik akuersissutigineqarsimasut), ulloq 1. januar 2017 kingorna sananeqarsimasut katillugu uuliamik ikummatissamik 600m³-init annikinnerusumik imartussusilinnut, taamaattorli 30 m³ ataannagu. Umiarsuarsuit uuliamik assartuutit marlunnik timitallit pine-qarput.

Umiarsuarnut, aallaavittut uuliap oqimaatsup umiarsuarni ikummatissatut atorineqarnissaa siunertaralugu atorineqarnissaanut assartornissaanullu ulloq 1. juli 2024-mit inerteqqummut ilaasunit, inerteqqummut tassunga naalagaaffinnit issittumi sumiiffimmuk killeqartumik sineriaqartunit umiarsuarnik naalagaaffiup erfalasuanik erfalasoqarlutik umiartortunit saneqqunneqarsinnaavoq, taakkua naalagaaffiup inatsisaata atortuuti-taaffiata iluani umiartorpata. Kalaallit Nunaata eqqaani imartani aningaasaqarnikkut immikkut oqartussaaffigisami umiarsuit kalaallit qallunaalluunniit erfalasuannik erfalasoqarlutik umiartortut, uuliamut oqimaatsumut inerteqqummut ilaatinneqassanngillat ulloq 1. juli 2029-p tungaanut, Issittumi Kalaallit Nunaata imartaata iluani umiartorpata. Tamatumunnga immikkut akuersissutinik atulersitsinermi maleruagassat suliarineqassapput, taakku Naalagaaffiit Peqatigiit imarsiornermut suleqatigiiffianit suliarineqarnissaat naatsorsuutigineqarpoq. Aammattaaq naalagaaffiit ilaasortaasut Naalagaaffiit Peqatigiit imarsiornermut suleqatigiiffiannut immikkut akuerineqarneq pillugu paasissutissat pillugit ilisimatitsissapput. Maleruagassat HFO-mik inerteqqutip piviusunngortinneqarerani nalunaarutikkut aalajangersaaffigineqarnissaat naatsorsuutigineqarpoq.

HFO umiarsuarni usisaatini usitut, ikummatissatuunngitsoq, suli assartorneqarsinnaavoq, uuliap issittumi illoqarfinnut, illunik kiassarnermi uuliamik taamaattumik ikummatissatut atuisartunut assartuisarnissaq suli pisariaqartinneqassamat.

2.3. Miljøministerieqarfiup isumaliutersuutai aamma aaqqiissutissatut siunnersuut

Miljøministerieqarfiup nalilerpaa HFO-mik inerteqqutip atuutsinneqalernissaanut inatsit atuuttoq malillugu naammattumik inatsisikkut tunngavissaqanngitsoq. HFO-mik inerteqqut taamaalilluni silaannarmik mingutsitsinermik pitsaaluinissamik taamaallaat siunertaqanngilaq, soorlu § 22 Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu pitsaaliuinissamik aalajangersaanissamat inatsimmik tunngavissaqartitsisoq, kisianni aamma siullertut immap uuliamik kuuttofigineqarnissaanut pitsaaliuisussaavoq.

Taamaattumik immami ingerlatanit kapitali 2-9-mit imaluunniit §§ 21 imaluunniit 22-mi Kalaallit Nunaata eqqaani imartani aningaasaqarnikkut immikkut oqartussaaffigisani mingutsitsinermik pitsaaliuinissamat killiliinissamullu, imaani avatangiisit illersorneqarnissaat pillugu inatsimmut ilaangitsunik maleruagassanik, matumani MARPOL-imik isumaqatigiissut malillugu HFO-mik inerteqqummik piviusunngortitsinissaq aamma siunissami nunat tamalaat akornanni pisussaataaffiinik piviusunngortitsinissaq pillugit miljøministerip aalajangersaasinnaanermik piginnaatinneqarnissaa pisariaqartinneqartoq Miljøministerieqarfiup nalilerpaa.

Miljøministeriep nalilerpaa immami ingerlatanit mingutsitsinermik pitsaaliuineq killilersimaarinninnerlu miljøministerimit aalajangersaasoqarenikkut nalunaarutikkut aalajangersaaffigineqartarnissaat naleqqunerpaausoq, aamma ilaatigut maleruagassat ajornakusoortumik teknikkik-

kut katitigaanerat pillugu, aamma tamanna siunissami maleruagassat pisa-riaqartitsineq malillugu annerpaamik allanngortinneqarsinnaanerannik pilersitsisinnaammat, aamma immami ingerlatanit allanit mingutsitsinerup pitsaaliorneqarsinnaanerata killillersimaneqarsinnaaneratalu piviusunngor-
tinneqarnissaanut piginnaatitsissut atorneqarsinnaammat, matumani nunat tamalaat akornanni nutaamik isumaqatigiissusiorneranni atatillugu atorne-
qarsinnaalluni.

Taamaattumik inatsimmut siunnersuummi siunnersuutigineqarpoq, Kalaallit Nunaata eqqaani imartani aningaasaqarnikkut immikkut oqar-
tussaaffigisani avatangiisit illersorneqarnissaat pillugu inatsimmi aala-
jangersagaq kapitali 10-mut ilanngunneqassasoq, tamatumalu kinguneratut
miljøministeri kapitali 2-9-ni imaluunniit §§ 21-mi imaluunniit 22-mi
immami ingerlatanit avatangiisinik mingutsitsinerup pitsaaliorneqarnissaa
killersorneqarnissaalu pillugu inatsimmut maleruagassanut ilaanngitsunik
maleruagassanik aalajangersaanissaminut piginnaatinneqassaaq, matumani
nunat tamalaat akornanni isumaqatigiissutit piviusunngortinneqartarnissaat
pillugu tak. inatsisissatut siunnersuummi § 1, nr. 1, § 22 a-p ilanngun-
neqarnissaa pillugu.

Danskit imaani avatangiisit pillugit inatsisaanni assingusumik § 33, imm. 1-
imi katersuisinnaanermut aalajangersagaqarpoq, tamatumalu kingornatigut
miljøministeri immami ingerlatanit avatangiisinik mingutsitsinerup pitsaa-
liorneqarnissaa killersorneqarnissaalu pillugu maleruagassanik inatsimmi
kapitalinit 2-10-mi maleruagassanut ilaanngitsunik, matumani nunat tama-
laat akornanni isumaqatigiissutinik piviusunngortitsinissat pillugit, aala-
jangersaasinnaavoq.

MARPOL-imik isumaqatigiisummi artikel 2(4)-ni allaaserineqarsimasunik
umiarsuanut HFO-mik inerteqqummik naammassinninnissaq siuner-
taralugu maleruagassanik aalajangersaanikkut piginnaatitsineq piviu-
sunngortinneqarumaartoq naatsorsuutigineqarpoq, aamma Kalaallit
Nunaata eqqaani imartani aningaasaqarnikkut immikkut oqartussaaffigisani
avatangiisit illersorneqarnissaat inatsimmi § 4, imm. 5 malillugu. Issittumi
Kalaallit Nunaata eqqaani imartani aningaasaqarnikkut immikkut
oqartussaaffigisani HFO-mik umiarsuit ikummatissaattut atorneqarnissaa
siunteraralugu atorneqarnissaanut assartornissaanullu inerteqqut pillugu
maleruagassanik aalajangersaasoqarnissaa naatsorsuutigineqarpoq.

Maleruagassat ulloq 1. juli 2024 atuutilersitsinermi nalunaarutikkut
aalajangersarneqarnissaat naatsorsuutigineqarpoq, ulloq taanna HFO-mik
inerteqqutip piviusunngortinnissaanut piffissaliussinermut MARPOL-imit
isumaqatigiisummit killigitinneqarpoq.

Inatsimmi § 31 malillugu Miljøministerip nakkutilliisussaatitaanera
Miljøstyrelsenimut § 34, imm. 1 malillugu suliaassanngortinneqassasoq naa-
tsorsuutigineqarpoq. Miljøministerip inatsit malillugu nakkutilliinera aki-
sussaasuuneruallu allaffissornikkut nakkutilliinermut tunnganeruvoq, miljø-
ministerimmi ataani oqartussat Kalaallit Nunaanni najuutinngimmata.
Nakkutilliinermi suleqatigiinnissaq pillugu Miljøstyrelsenip, oqartussa qar-
fiillu allat akornanni isumaqatigiittoqarsinnaavoq.

Maleruagassat unioqqutinneqarnerani inatsisip nalinginnaasumik aaqjissuunneqarsimanera naapertorlugu aamma rigsadvokatip nalunaarutaa nr. 5/1999 ulloq 17. april 2015-mi iluarsartuunneqartoq malillugu pingaarnerusumik suliffeqarfiup unioqqutitsineq akisussaaffigaa. Taamaalilluni umiarsuaatileqatigiiffik pingaarnerusumik HFO-mik inerteqqut pillugu maleruagassat malinneqarnissaanut pisussaaffilerneqassaaq.

Taamaattumik aalajangersakkat unioqqutinneqarneranni pinerlussimanermut akisussaatsineq umiarsuaatileqatigiiffimmut atuutinneqassaaq. Taamaattorli assersuutigalugu umiarsuup naalagaa (umiarsuaatileqatigiiffiup saniatigut) pinerlussimanermut akisussaatinneqarsinnaavoq ilaatigut taanna piaraluni iliuseqarsimappat imaluunniit sakkortuumik mianersuaalliorsimappat.

Umiarsuarsuarnut assartuutitut marlunnik timitalinnut, MARPOL-imik isumaqatigiissummut ilanngussaq I, maleruagqussaq 12A-mut aamma Issittumi imartani angallannermut avatangiisinut isumannaallisaanermullu maleruagassaanut 1.2.1.-imi kapitali 1, Part II-A-mut ilaasunut HFO-mik inerteqqut aatsaat ulloq 1. juli 2029 aallarnerfigalugu atuutilissaaq, tamanna pillugu tak. immikkoortoq 2.2.

Maleruagassat nalunaarusiornikkut aalajangersaavigineqarnissaat naatsorsuutigineqarpoq, tamatumalu kingorna piffissami 1. juli 2024-mit ulloq 30. juni 2029 ilanngullugu Naalagaaffiit Peqatigiit Imarsiornermut Suliniaqatigiiffiup atulersitassaatur naatsorsuutigineqartut maleruagassat malillugit HFO-mik atuineranut assartuinerumullu immikkut ittumik akuersissuteqartoqarsinnaavoq, tamanna pillugu qulaani tak. immikkoortoq 2.2.

Naalagaaffiit Peqatigiit imarsiornermut suleqatigiiffiat HFO-mik inerteqqummik allannguinerumik akuersissuteqarpat, allannguutit taakku piginnaatitsissumik siunnersuutigineqartumik inatsisikkut tunngaveqarluni aalajangersarneqarsinnaapput.

Piginnaatitsissummut siunnersuut aammattaaq miljøministerimit atornerarsinnaavoq, kingusinnerusukkut immami ingerlatanit mingutsitsinerup pitsaaliorneqarnissaanut killilersimaarneqarnissaanullu pisariaqartitsisoqalissagaluarpat, inatsimmi kapitali 2-9-ni imaluunniit §§ 21-mi imaluunniit 22-mi immami ingerlatanit avatangiisinik mingutsitsinerup pitsaaliorneqarnissaa killersorneqarnissaalu pillugu maleruagassanut ilaanngitsunik, matumani sumiiffik pillugu Danmarkimik pisussaaffiliisunik aalajangersaasoqarnissaanik kingusinnerusukkut pisariaqartitsisoqalissagaluarpat.

Tamatuma saniatigut inatsisissatut siunnersuummi § 1, nr. 1-imi oqaaseqaatit immikkut ittut innersuutigineqarpat.

3. Naalagaaffiit Peqatigiit anguniagaasa piviusunnngortinnerisa kingunerisinnaasai

HFO-mik inerteqqutip atuutsinneqalernerata Issittumi HFO-mik uuliamik kuuttoornissap pitsaaliorneqarnissaa kingunerissavaa. Issittup imartaani HFO-p umiarsuit ikummatissaattut atorneqarnissaa siunertaralugu atorneqarnissaanut assartornissaanullu inerteqqut imaanik mingutsinerup pitsaaliorneqarnissaanut Naalagaaffiit Peqatigiit nunarsuarmut anguniagaanur nr. 14-imut tapertaassaaq.

Uuliamut oqinnerusumut, ass. MGO ("marine gas oil") sanilliullugu uuliap oqimaatsup ikummatissatut atornerani sananeqaatit minnerit amerlanerujussuit aniatsinneqartarput, matumani black carbon (paaq), CO₂ aamma svovl. Sananeqaatinik taakkuninnga aniatsitsinermik annikillisisineq taamaalilluni aamma avatangiisitigut silallu pissusiatigut iluanaarutitut isumaqarfigineqarpoq.

HFO atorlugu umiartornermut aamma Issittumi umiarsuit ikummatissaattut assartuinnermut inerteqqut, taamaalilluni silaannamik mingutsitsinerup pitsaaliornissaanut tapertaassaaq, aamma matumani Naalagaaffiit Peqatigiit peqqissuseq atugarissaarnerlu pillugit nunarsuarmut angunia-gaannur nr. 3-mut aamma Naalagaaffiit Peqatigiit silap pissusia suliniuteqarfigalugu anguniagaannur nr. 13-imut taamaalilluni taper-taassalluni.

4. Pisortanut aningaasatigut allaffissornikkullu kingunerisinnaasai

Miljøministeriemit inatsisissatut siunnersuut taassuminngalu piviusunnngortitsineq inatsisinik digitalimik atuinnissamut tunngavinnik arfineq-marlunnik, Digitalimik Sullissinnermut Aqutsisoqarfimmit suliarineqarsimasunik, malinnittuusooq nalilerneqarpoq.

Inatsisissatut siunnersuut aalajangersaanissamut piginnaatitsissummik imaqarpoq, taanna siullermik Issittumi HFO-mik inerteqqutip atuutsinneqalernerani piviusunnngortinneqassaaq. Inatsisissatut siunnersuut nammineq immiini Pisortanut aningaasatigut allaffissornikkullu kinguneqassanngilaq.

Taamaattorli HFO-mik inerteqqut ukiumut 8,4 mio. kr.-nik (ukiumut 2020-mut naatsorsukkat) Kalaallit Nunaanni Namminersorlutik Oqartussanut aningaasartuutitaqassaaq, matumani atuutsinneqalernissaanur nakkutillinnermullu aningaasartuutit ilanngullugit.

Naatsorsuutigineqarpoq HFO-mik inerteqqut nalinginnaasumik HFO-mik uuliamik kuuttoornissamut aarlerinaatinik annikillisaataassasoq, tamannami annertuunik aningaasartuutitaqarsinnaavoq. HFO-mik inerteqqut aamma uuliamik koortornermut aningaasartuutinik annikillisaasinnaavoq. Taamali annikillisisinerup siumur siulittuutigineqarnissaa sapersarneruvoq. Taamaattorli uuliamik kuuttoornermi aningaasartuutit annikinnerulernissaat naatsorsuutigineqarpoq, tamassumalu inerteqqutip avatangiisinut iluanaarutaanik qaffaasinnaavoq, immikkoortoq 8-mi

allaaserineqarsimasunut naleqqiullugu. Taamaattorli HFO-mik uuliamik kuuttoornissamut aarlerinaat 2029-p tungaanut suli piviusaaq, ukiumi tassani inerteqqut umiarsuarnut tamanut atuutilissamat, taamaattorli inatsit sorsuutitut umiarsuarnullu allanut naalagaaffimmit pigineqartunut atorneqartunulluunniit, umiarsuarnut taamaallaat iluanaarniutaanngitsumik naalagaaffimmit atorneqarallartunut atuutissanngilaq, tak. § 3, imm. 4., taamaattorli sorsuutitut umiarsuarnullu allanut naalagaaffimmit pigineqartunut atorneqartunulluunniit, umiarsuarnut taamaallaat iluanaarniutaanngitsumik naalagaaffimmit atorneqarallartunut atuutissanngilaq, tak. inatsimmi § 3, imm. 4, umiarsuarnut umiarsuit isumannaatsuunissaannik qulakkeerininnermut suliaqarnermut peqataasunut imaluunniit ujaasinernik aamma annaassiniarnernik suliaqartunut, aamma umiarsuarnut uuliakoor-toqarsimatillugu upalungaarsimanermut suleqataasunut.

Namminersorlutik Oqartussat siusinnerusukku HFO-mik inerteqqutip Naalagaaffiit Peqatigiit Imarsiornermut Suliniaqatigiiffianni akuersissutigineqarneranut atatillugu tusarniaavigineqarsimapput. Inerteqqut qallunaanit kalaallinillu tapersorsorneqarluni akuersissutigineqarsimavoq. Kalaallit Nunaat Kalaallit Nunaata imartaani inerteqqutip atuutsinneqalernissaanik isumaginnittuussaaq, taanna aningaasaqarnikkut immikkut oqartussaaffigisami assingusumik atuutsinneqalissaaq.

Inatsimmi aalajangersarneqareersimasumik nakkutiginnittussaataaeranut pisuffaaffiup ingerlaqanneqarnissaanut atatillugu Danmarkimut allaffissornikkut aningaasartuuteqalissasoq naatsorsuutigineqarpoq.

5. Inuussutissarsiortunut il.il. aningaasatigut allaffissornikkullu kingunerisinnaasai

Miljøministeriemit nalilerneqarpoq, inuussutissarsiornermut tunngassutilinnik malittarisassaliornermut tunngaviit (agil erhvervsrettet regulering) attuumassuteqanngitsuusut, tak. Erhvervsstyrelsenip inuussutissarsiornermut tunngassutilinnik malittarisassaliornermut tunngaviit (agil erhvervsrettet regulering) pillugit ilitersuusaa juni 2018-imeersoq malillugu attuumassuteqanngimmata, tassami inatsisissatut siunnersuummi digitalimik teknologiimik aamma ingerlatseriaatsinik ineriartortitsinernik misileraanissaq, ineriartortitsinissaq imaluunniit atuinissaq pineqanngimmata.

Aalajangersaanissamut piginnaatitsissut pillugu siunnersuut siullermik HFO-mik inerteqqutip atuutsinneqalernerani piviusunnngortinneqassaaq. Ilisimaneqaqqissaanngilaq umiarsuit qassit Kalaallit Nunaata eqqaani imartani aningaasaqarnikkut immikkut oqartussaaffigisani HFO-mik inerteqqummik sunnerneqarumaarnersut. Taamaattorli Danske Rederierinit nalilerneqarsimavoq, HFO-mik inerteqqut Kalaallit Nunaanni inuussutissarsiortunut kingunerisinnaasai ukiumut miss. 22,7 mio. kr.-umaartut (ukioq 2020-mut naatsorsukkat). Taamattorli ikummatissanut akit aningaasat annertussusaannut apeqqutaajumaarput taamaattumillu nalorni-nartoqarlutik.

Erseqqissaatigineqassaaq inuiaqatigiinnut kingunerisinnaasanik aamma iluanaarutaasinnaasunik 2029-p tungaanut siumut naatsorsorsuisoqarsinnaasimannngimmat, 2029-mi inerteqqut umiarsuarnut tamanut atuutilissaaq, taamaattorli inatsit sorsuutitut umiarsuarnullu allanut naalagaaffimmit pigineqartunut atorneqartunulluunniit, umiarsuarnut taamaallaat iluanaarniutaanngitsumik naalagaaffimmit atorneqarallartunut atuutissanngilaq, tak. inatsimmi § 3, imm. 4, umiarsuarnut umiarsuit isumannaatsuunissaannik qulakkeerinninnermut suliaqarnermut peqataasunut imaluunniit ujaasinernik aamma annaassiniarnernik suliaqartunut, aamma umiarsuarnut uuliakoortoqarsimatillugu upalungaarsimanermut suleqataasunut.

Erhvervsstyrelsenip Område for Bedre Regulering (pitsaanerusumik aalajangersaanermut suliaqarfiata) nalilersimavaa inatsisissatut siunnersuut inuussuutissarsiortunut allaffissornikkut kinguneqarumaartoq. Kingunerisinnaasat taakku 4 mio. kr.-nit ataateqqassagai nalilerneqarpoq, taamaattumillu naatsorsoqqinneqassanngillat. Matumani pineqartoq tassavoq inuussuutissarsiortut immikkut ittumik akuersissummik qinnuteqarniarunik paasisutissanik tunniussisussaataaannissaat.

Inatsisissatut siunnersuut immi inuussuutissarsiortunut kinguneqassanngilaq, inatsisissatut siunnersuummut aalajangersaanissamat piginnaatitsissut kisimi ilanngunneqassamat.

6. Innuttaasunut allaffissornikkut kingunerisinnaasai

Inatsisissatut siunnersuut, matumani inatsisissatut siunnersuutip piviusunngortinneqarnissaa eqqarsaatigineqartoq, innuttaasunut allaffissornikkut kingunerisassaqqanngitsoq nalilerneqarpoq.

7. Silap pissusianut kingunerisinnaasai

Inatsisissatut siunnersuut immi silap pissusianut kinguneqartitsissanngilaq, tassani aalajangersaanissamat piginnaatitsissut ilanngunneqarnissaa kisimi pineqarmat. HFO-mik inerteqqummik nalunaarutikkut piviusunngortinneqartussamik atuutitsilerneq naatsorsuutigineqarpoq silap pissusianut iluanaaruteqartitsissasoq ukiumut 0,33 mio. kr.-nik (ukiumut 2020-mut naatsorsukkat) annikinnerusumik silaannarmik mingutsitsinerup kinguneratut naatsorsorlugu, tassami uulia oqimaatsoq CO₂-mik aniatitsinerusarmat uulianut oqitsunut naleqqiullugu. CO₂-mik aniatitsisarnissaq katillugu 2.112 tonsiussasoq naatsorsorneqarsimavoq. Annikinnerusumik black carbonimik (paaq) aniatitsineq silap pissusianut sunniutaasussaq naatsorsorneqarsimannngilaq.

Erseqqissaatigineqassaaq silap pissusianut iluaqutaasussatut naatsorsuutigineqartut inerteqqutip 2020-mi atuutsinneqalernissaanik tunngaveqartinneqarsimammata. Inuiaqatigiinnut kingunerisinnaasanik aamma iluanaarutaasinnaasunillu 2029-mut siumut naatsorsorsuisoqarsinnaasimannngilaq, tassani inerteqqut umiarsuarnut tamanut atuutilissaaq, taamaattorli inatsit sorsuutitut umiarsuarnullu allanut naala-

gaaffimmit pigineqartunut atorneqartunulluunniit, umiarsuarnut taamaallaat iluanaarniutaanngitsumik naalagaaffimmit atorneqarallartunut atuutissanngilaq, tak. inatsimmi § 3, imm. 4, umiarsuarnut, umiarsuit isumannaatsuunissaannik qulakkeerinninnermut suliaqarnermut peqataasunut imaluunniit ujaasinernik aamma annaassiniarnernik suliaqartunut, aamma umiarsuarnut uuliakoortoqarsimatillugu upalungaarsimanermut suleqataasunut. 2029-p tungaanut black carbonimik qaffasinnerusunik aniatitsisoqartarnissaa naatsorsuutigineqarpoq. Umiarsuilli ilaasa silaannarmik mingutsitsinermut annikillisaatit scrubberit ikkussuussimavaat, taamaallitutillu 2029-p tungaanut silap pissusianik pitsaanngitsumik sunniinerit annikillissimallugit.

8. Avatangiisinut pinngortitamullu kingunerisinnaasai

Inatsisissatut siunnersuut immini avatangiisinut pinngortitamullu kinguneqartitsissanngilaq, tassani aalajangersaanissamut piginnaatitsissutip ilanngunneqarnissaa kisimi pineqarmat. Inatsisissatut siunnersuummi aalajangersaanissamut piginnaatitsissutip piviusunnngortinneqarnerata nassatarisaatut HFO-mik inerteqqut qallunaat inatsiseqartitsineranni piviusunnngortinneqassaaq. HFO-mik inerteqqut avatangiisinut peqqissutsimullu tunngasutigut ukiumut 62,1 mio. kr.-nik iluanaaruteqarfiussaaq (ukiumut 2020-mut naatsorsukkat). Tamatumunnga sananeqaatinik minnernik aniatitsinerup annikinnerulernissaa pissutaassaaq, matumani black carbon (paaq) aamma svovl. Svovlinik katillugu annikillisisineq naatsorsuutigineqarpoq 593 tonsiussasoq, sananeqaatinik minnernik annikillisisineq naatsorsuutigineqarpoq 66 tonsiussasoq aamma black carbonimik (paaq) annikillisisineq naatsorsuutigineqarpoq 6,7-14,1 tonsiussasoq.

Aammattaaq HFO Issittumi imaani avatangiisinut aamma sineriammut qanittumi pinngortitami ataqatigiinnermut aarlerinaateqarpoq, tassami uulia oqimaatsoq oqimaatsoq kinertuuvoq aamma ikummatissanit oqinnerusunit arriinnerusumik arortinneqartarluni. HFO pingaarnerusumik Issittumi arriitsumik arortinneqartarpoq aamma uulia oqimaatsoq taamatuttaaq sikup ataaniilersinnaavoq annertuumillu isorartussusilinnut siaruaattarluni, taamaattumillu issittumi imaani avatangiisit aamma Issittumi sinerissamut qanittumi pinngortitami ataqatigiinnerit immikkut ittumik mianernartuupput. HFO-mik inerteqqut taamaalliluni HFO-mik taama uuliamik kuuttoornermik pitsaaliuissaaq. Taamaattorli iluanaarut ukiumut 62,1 mio. kr.-nik avatangiisinut peqqissutsimullu iluanaarutitut ilaassanngilaq, tamanna nalorninartoqarmat. Taamaattorli HFO-mik uuliamik kuuttoornermi aningaasartuutit annertoorujussuusinnaapput.

Erseqqissaatigineqassaaq avatangiisinut peqqissutsimullu iluanaarutitut naatsorsuutigineqartut inerteqqutip 2020-mi atuutinneqalernissaannik tunngaveqarsimmata. Inuiaqatigiinnut kingunerisassai pillugit 2029-mut naatsorsuisoqarsinnaasimannngilaq, tassani inerteqqut umiarsuarnut tamanut atuutilissaaq, sorsuutit umiarsuillu allat naalagaaffimmit pigineqartut atorneqartulluunniit pinnagit, tak. inatsimmi § 3, imm. 4, umiarsuarnut umiarsuit isumannaatsuunissaannik qulakkeerinninnermut suliaqarnermut peqataasunut imaluunniit ujaasinernik aamma annaassiniarnernik suliaqartunut, aamma umiarsuarnut uuliakoortoqarsimatillugu upalungaar-

simanermut suleqataasunut. 2029-p tungaanut black carbonimik suli aniatitsisoqartarnissaa naatsorsuutigineqarpoq. Umiarsuilli ilaasa silaannarmik mingutsitsinermut annikillisaatit scrubberit ikkussuus-simavaat, taamaalillutillu 2029-p tungaanut silap pissusianik pitsaan-ngitsumik sunniinerit annikillississimallugit.

9. EU-mi inatsisinut pissutsit

Inatsisissatut siunnersuut EU-mi inatsisaasunut tunngasunik imaqanngilaq.

10. Oqartussat suleqatigiifillu il.il. tusarniaaffigineqartut

Inatsisissatut siunnersuummut missingiut piffissami ulloq 30. marts 2023-mit ulloq 11. maj 2023 tikillugu oqartussanut suleqatigiifinnullu il.il. tusarniaassutigalugu nassiussuunneqarpoq:

Kalaallit Nunaanni Namminersorlutik Oqartussat Kalaallit Nunaanni Naalagaaffiup Sinnisua aqutigalugu, Kalaallit Nunaata Sinnisoqarfia, Kalaallit Nunaanni Politimesteri, Advokatfirmaet Malling & Hansen Damm, Advokatrådet/Advokatsamfundet, AECO, Arctic DTU, Issittumi Sakkutooqarfik, Arktisk Stations sekretariat - Københavns universitet, Danish Seafood Association, Danmarks Naturfredningsforening, Danmarks Sportsfiskerforbund, Dansk Akvakultur, Dansk Amatørfiskerforening, Dansk Fritidsfiskerforbund, Dansk Industri, Dansk Ornitologisk Forening, Dansk Selskab for Miljøret, Dansk Assartuineq og Logistik, Danske Havne, Danske Maritime, Danske Rederier, DCE - Nationalt Center for Miljø og Energi, Det Grønlandske Selskab, Det Nationale Netværk for Klimatilpasning (DNNK), Det Økologiske Råd, ENERGINET.DK, Ferskvandsfiskerforeningen, Foreningen af Danske Biologer, Greenland Ecosystem Monitoring (GEM), Greenland Oil Industry Association (Goia), Greenland oil spill response (GOSR A/S), Greenpeace Nordic, Kalaallit Nunaanni Sulisitsisut, Pinngortitaleriffik, Grønlandske Advokater v. Peter Schriver, ICC-Greenland, ILISIMATUSARFIK (Peqqissutsimut Pinngortitamullu Instituti), KNAPK, Kommunernes Internationale Miljøorganisation (KIMO), Landsforeningen Levende Hav, Miljøteknisk Brancheforening - Mærsk Olie & Gas A/S, Natur og Ungdom, NOAH, Nusuka: Organizing Greenland Businesses, OCEANA, Polar Seafood, Professor, dr. jur. Ellen Margrethe Basse, Professor, dr. jur., Peter Pagh, Kalaallit Nunaanni Eqqartuussiviit, Royal Arctic Line, Royal Greenland, Søfartens Ledere, Transparency Greenland, Visit Greenland, WWF Denmark aamma AAU arctic sekretariat aamma Professor Lone Kørnøv.

Inatsisissatut siunnersuut tamatuma kingorna Namminersorlutik Oqartussanut oqaaseqarfigisussanngorlugu saqqummiunneqarsimavoq [Inatsisartut ukiakkut 2023-mi ataatsimiinneranut atatillugu] Namminersorlutik Oqartussanut inatsimmi § 17, imm. 2 malillugu.

11. Immersugassaq eqikkaaffiusoq

Aallaqqaasiullugu erseqqissaavigineqassaaq aningaasaqarnikkut aamma avatangiisinut peqqissutsimullu kingunerisassatut naatsorsuutigineqarsimasut inerteqqutip 2020-mi atuutilersinneqarnissaanik tunngaveqarsimammata. Inuiaqatigiinnut kingunerisassai pillugit 2029-mut naatsorsuisoqarsinnaasimangilaq, tassani inerteqqut umiarsuarnut tamanut atuutilissaaq, sorsuutit umiarsuillu allat naalagaaffimmit pigineqartut atorneqartulluunniit pinnagit, tak. inatsimmi § 3, imm. 4, umiarsuarnut, umiarsuit isumannaatsuunissaannik qulakkeerinninnermut suliaqarnermut peqataasunut imaluunniit ujaasinernik aamma annaassiniarnernik suliaqartunut, aamma umiarsuarnut uuliakoortoqarsimatillugu upalungaarsimanermit suleqataasunut.

	Kinguneri ajunngitsut/ aningaasartuutikinnerulerneq (Aap, taava annertussutsit allakkit/ Naamik allaguk »Soqanngilaq«)	Kinguneri pitsaanngitsut/ aningaasartuuteqarnerulerneq (Aap, taava annertussutsit allakkit/ Naamik allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Naatsorsuutigineqarpoq HFO- mik inerteqqut uuliamik oqimaatsumik kuuttoornissamut aarlerinaammik aningaasartuutinillu annikillisas- saasoq. Taama annikillisitsineq siumut eqqoriaruminaanneruvoq. Taamaattorli naatsorsuutigine- qarpoq uuliamik kuuttoornermut aningaasartuutit annikilliumaartut, inerteqqutillu iluanaarutai taamaalillutik sulii annertunerulissallutik.	Tak. ataani
Naalagaaffimmut, nunap immikkoortuinut kommuninullu atortuulersitsinerup kinguneri	Soqanngilaq	Inatsisissatut siunnersuut aalaja- ngersaanissamut piginnaa- titsissummik imaqarpoq, taanna HFO-mik inerteqqummik qallunaat inatsiseqartitsineranni siullermik piviusunngortitsissaaq. Taamaattorli HFO-mik inerteqqut Namminersorlutik Oqartussanut ukiumut 8,4 mio.-nik (ukiumut 2020-mut naatsorsukkat) aningaasartuuteqassaaq, matumani atuutsinneqalernissaanut aamma nakkutilliinnermut. Namminersorlutik Oqartussat siusinnerusukkat HFO-mik inerteqqutip Naalagaaffiit

		<p>Peqatigiit Imarsiornermut Suliniaqatigiiffianni akuersissutigineqarneranut atatillugu tusarniaavigineqarsimapput. Kalaallit Nunaat Kalaallit Nunaata imartaani inerteqqutip atuutsinneqalernissaanik isumaginnittuussaaq, taanna aningaasaqarnikkut immikkut oqartussaaffigisami assingusumik atuutsinneqalissaaq.</p> <p>Nakkutiginnittussaataitanermut pisuffaaffiup ingerlaqanneqarnissaanut atatillugu Danmarkimut allaffissornikkut aningaasartuuteqalissasoq naatsorsuutigineqarpoq.</p>
Inuussutissarsiortunut aningaasaqarnikkut kinguneri	Soqanngilaq	<p>Aalajangersaasinnaanermut piginnaatitsissummik siunnersuut siullermik HFO-mik inerteqqutip atuutsinneqalernerani piviusunngortinneqassaaq. Ilisimaneqaqqissaanngilaq umiarsuit qassit Kalaallit Nunaata eqqaani imartani aningaasaqarnikkut immikkut oqartussaaffigisani HFO-mik inerteqqummik sunnerneqarumaarnersut. Taamaattorli Danske Rederierinit nalilerneqarsimavoq, HFO-mik inerteqqut Kalaallit Nunaanni inuussutissarsiortunut kingunerisinnaasai ukiumut miss. 22,7 mio. kr.-umaartut (ukioq 2020-mut naatsorsukkat). Taamattorli ikummatissanut akit aningaasat annertussusaannut apeqqutaajumaarput taamaattumillu nalorninartoqarlutik.</p>
Inuussutissarsiortunut allaffissornikkut kinguneri	Soqanngilaq	<p>Erhvervsstyrelsenip Område for Bedre Regulering (pitsaanerusumik aalajangersaanermut suliaqarfiata) nalilersimavaa inatsisissatut siunnersuut</p>

		<p>inuussuutissarsiortunut allaffissornikkut kingunekarumaartoq. Kingunerisinnaasat taakku 4 mio. kr.-nit ataateqqassagai nalilerneqarpoq, taamaattumillu naatsorsoqqinneqassanngillat. Matumani pineqartoq tassaavoq inuussuutissarsiortut immikkut ittumik akuersissummik qinnuteqarniarunik paasissutissanik tunniussisussaataitaassasut.</p>
Innuttaasunut allaffissornikkut kinguneri	Soqanngilaq	Soqanngilaq
Silap pissusianut kingunerisinnaasai	<p>Inatsisissatut siunnersuut immami ingerlatanit mingutsitsinerup pitsaaliornissaanut killilernissaanullu maleruagassanik atuutsitsisoqalernissaanik periarfissiivoq. Inatsimmut siunnersuummi aalajangersaanissamut piginnaatitsissutsip pivisunngortinnerata nassatarissavaa HFO-mik inerteqqutip qallunaat inatsiseqartitsineranni piviusunngortinneqarnera. HFO- mik inerteqqut silap pissusianut ukiumut 0,33 mio. kr.-nik iluanaaruteqartitsissaaq.</p>	Soqanngilaq
Avatangiisinut pinngortitamullu kingunerisinnaasai	<p>Inatsisissatut siunnersuut immamit ingerlatanit mingutsitsinermik pitsaaliunissamut killilersuinissamullu maleruagassanik pivisunngortitsinissamut periarfissiissaaq. Inatsimmut siunnersuummi aalajangersaanissamut piginnaatitsissutip pivisunngortinnerata nassatarissavaa HFO-mik inerteqqutip qallunaat inatsiseqartitsineranni</p>	Soqanngilaq

	piviusunngortinneqarnera. HFO-mik inerteqqut avatangiisinut iluanaaruteqartitsissasoq ukiumut 62,1 mio. kr.-nik iluanaaruteqartitsissasoq	
EU-mi inatsisinut pissutsit	Inatsisissatut siunnersuut EU-mi inatsisaasunut tunngasunik imaqqanngilaq.	
EU-mi inuussutissarsiornermut tunngassutilinnik malittarisassaliornermut tunngavinnut tallimanut akerliuvoq/EU-mi aalajangersaanermi minnerpaaffissamut piumasaaqatinit annerusunik piumasaaqarpoq. (X-ileruk)	Aap	Naamik
	Attuumassuteqanngilaq	

§- 1-imut

Nr. 1-imut

Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsimmi nr. 1534, 19. december 2017-imeersumi § 22 malillugu miljøministeri immikkut ittumik iliuitsit pillugit maleruagassanik aalajangersaasinnaavoq, matumani silaannarmik mingutsitsinerup killilernissaa siunertaralugu umiarsuarni ikummatissanut piunasaqaatit pillugit. Inatsisit atuuttut malillugit umiarsuarni ikummatissanut piunasaqaatinik maleruagassanik aalajangersaanissamut maleruagassaqaaranilu inatsisikkut tunngavissaqanngilaq, matumani taassuma atorneqarnissaanut assartornissaanullu inerteqqut ilanngullugu, imarmik mingutsitsinerup killilernissaa siunertaralugu.

22 *a-mi* aalajangersagassatut siunnersuutigineqartup kinguneratut miljøministerip immami ingerlatanit mingutsitsinerup pitsaaliornissaanut killilernissaanullu maleruagassanik, kapitali 2-9 imaluunniit §§ 21 imaluunniit 22-mi maleruagassanut ilaanngitsunik, aalajangersaassaaq, matumani nunat tamalaat akornanni isumaqatigiissutinik naam-massinninnissaaq siunertaralugu. Aalajangersagaq siunnersuutigineqartoq danskit imaani avatangiisit pillugit inatsisaanni § 33, imm. 1-imi aalajangersakkamut atuuttumut imamigut assinguvoq. Pitsaaliuinertut killilersimaarinninniutitullu ass. allagaatinik uppersaateqarnissaaq, nakkutilliinissaaq aamma inerteqqut pillugit maleruagassanik aalajangersaasoqarsinnaavoq.

Naatsorsuutigineqarpoq aalajangersaanissamut piginnaatitsissut uuliap oqimaatsup ("heavy fuel oil", kingorna taaneqartassaaq HFO") Issittup imartaani ikummatissatut atorneqarnissaanut angallannissaanullu inerteqqummik nalunaarummi maleruagassanik aalajangersaanikkut pivisunngortinneqarumaartoq. Inerteqqutip Issittumi HFO-mik uuliamik kuuttoornermut pitsaaliuinissaaq pillugu malittarisassaaq 43A-p MARPOL-imik isumaqatigiissummi ilanngussaaq I-imiittoq pivisunngortissavaa.

Inerteqqut umiarsuarnut MARPOL artikel 2(4)-mi allaaserineqartunut atuutissaaq aamma ulloq 1. juli 2024-mi atortuulersinneqarnissaa naatsorsuutigineqarluni, ulloq taanna MARPOL-imik isumaqatigiissutip inerteqqutip atuutilernissaanut piffissaliussaraa.

Inerteqqutip kinguneratut uuliat MARPOL-imik isumaqatigiissummi ilanngussaaq I regel 43.1.2-imi allatortuulersimasut malillugit (uulia, uulia akuiagaanngitsoq pinnagu, 900 kg/m³ ved 15° C-ngarnit qaffasinnerusumik kinissuseqarlutik oqimaassusillit imaluunniit 180 mm 2 /s ved 50° C-nit qaffsinnerusumik kinematisk viskositetillit) ulloq 1. juli 2024-mit ikummatissaattut atorneqarnissaat siunertaralugu atorneqarnissaanut assartornissaanullu atorneqarsinnaajunnaassapput. Inerteqqut umiarsuarnut

umiarsuit isumannaatsuunissaannik qulakkeerinninnermut suliaqarnermut peqataasunut imaluunniit ujaasinernik aamma annaassiniarnernik suliaqartunut, aamma umiarsuarnut uuliakoortoqarsimatillugu upalungaarsimanermut suleqataasunut atuutissanngilaq.

Umiarsuarnut, MARPOL-imik isumaqatigiisummi ilanngussaq I-imi, maleruaqqusamut 12A-mut ilaasunut imaluunniit Issittumi imartani angallannermut avatangiisinut isumannaallisaanermullu maleruagassat maleruagassartaanut 1.2.1-imut ilaasunut inerteqqut aatsaat ulloq 1. juli 2029 aallarnerfigalugu atuutilissaaq.

Maleruagassaq 12A-mut ilaapput umiarsuit katillugu uuliamik ikummatissamik 600m³-inik sinnerluguluunniit imartussusillit, aamma ulloq 1. august 2010-ip kingorna tunniunneqarsimasunut atuulluni. (“tunniunneqarsimasut” ima paasineqassaaq: umiarsuit a) sanaartornissamut isumaqatigiisut isumaqatigiisutigineqarsimavoq ulloq 1. august 2007 kingusinnerusukkulluunniit, b) sanaartornermut isumaqatigiisut pigineqanngippat, taava umiarsuit kujaalernerqarsimasunut, imaluunniit assingusumik sananeqarnerani killiffeqartunut ulloq 1. februar 2008-mi, c) ulloq 1. august 2010-mi kingusinnerusukkulluunniit tunniunneqarsimasunut, imaluunniit d) annertuumik sanaqqiineqarfigineqarsimasunut, i. tamannalu pillugu ulloq 1. august 2007-mi kingusinnerusukkulluunniit isumaqatigiisuteqartoqarsimasunut, ii. Isumaqatigiisuteqartoqarsimannippallu suliarinera ulloq 1. februar 2008-mi kingusinnerusukkulluunniit aallartinneqarsimasunut, imaluunniit iii. ulloq 1. august 2010 naammassineqarsimasunut).

Tamanna aamma umiarsuarnut maleruagassami 1.2.1. kapitali 1, Part II-A-mi pineqartunut, nunat tamalaat umiarsuarnut Issittup imartaani taamaallaat angalasunut (tamatum kingorna taaneqartassaaq “Issittumi imartani angallannermut avatangiisinut isumannaallisaanermullu maleruagassat”) inerteqqut aatsaat ulloq 1. juli 2029 aallarnerfigalugu atuutilissaaq.

Maleruagassami 1.2.1.-mut ilaapput umiarsuit immikkoortunut A-nut aamma immikkoortunut B-nut taaneqartartunut, (immikkoortunut A-aamma B-umiarsuarnut ilaapput umiarsuit, umiarsuup Issittumi umiartornissamut akuersissutaa malillugu immikkoortunut A-tut imaluunniit B-tut umiarsuartut Søfartsstyrelsenimit akuerineqarsimasumit pigineqatigiiffinnik pitsaassusiliisartunit akuersissutigineqarsimasut), ulloq 1. januar 2017 kingorna sananeqarsimasut katillugu uuliamik ikummatissamik 600m³-inik minnerusumik imartussusilinnut, taamaattorli 30 m³ ataannagu. Umiarsuarsuit uuliamik assartuutit marlunnik timitallit pineqarput.

Umiarsuarnut, Danmarkip Kalaallillu Nunaata akornanni umiartortunut, MARPOL-imik isumaqatigiisummut ilanngussaq I-imi, maleruaqqusamut 12A-mut ilaasunut imaluunniit Issittumi imartani angallannermut avatangiisinut isumannaallisaanermullu maleruagassat maleruagassartaanut 1.2.1-imut ilaasunut inerteqqut aatsaat ulloq 1. juli 2029 aallarnerfigalugu atuutilissaaq.

Naatsorsuutigineqarportaaq qallunaat kalaallilluunniit erfalasuannik erfalasoqarlutik umiartortunut HFO-mik utaqqiisaagallartumik atuinissamut assartuinissamullu inerteqqutip malinnginnissaanut immikkut ittumik

akuerineqarsinnaajumaartut piffissami 1. juli 2024-mit ulloq 30. juni 2029 ilanngullugu. Naalagaaffiit Peqatigiit Imarsiornermut Suliniaqatigiiffiup atulersitassaatur naatsorsuutigineqartut maleruagassat malillugit HFO-mik atuineranut assartuinernullu immikkut ittumik akuersissuteqartoqarsinnaavoq. Miljøministerieqarfik Naalagaaffiit Peqatigiit Imarsiornermut Suliniaqatigiiffianut immikkut ittumik akuersissutinik paasisutissiisassaaq.

Immikkut ittumik akuersissuteqarsinnaaneq Miljøstyrelsenimut § 34, imm. 1 naapertorlugu suliassangortinneqassasoq naatsorsuutigineqarpoq.

Naalagaaffiit Peqatigiit imarsiornermut suleqatigiiffiata MARPOL-imik isumaqatigiissutaanni ilanngussaq I-imi HFO-mik inerteqqut pillugu allannguutit akuersissutigippagit, allannguutit taakku piginnaatitsissummi siunnersuutigineqartumi inatsisitigut tunngaveqarluni aalajangersaavigineqarsinnaapput. Piginnaatitsissut taamaalilluni MARPOL-imi isumaqatigiissummi maleruagassanik allanik, inatsisip ataani piginnaatitsissutit allat ataaniingitsunik, aalajangersaanissamut atorneqarsinnaavoq.

Piginnaatitsissutissatut siunnersuutigineqartoq aammattaaq miljøministerimit atorneqarsinnaavoq, kingusinnerusukkat immami ingerlatanit mingutsitsinerup pitsaaliorneqarnissaanut killilersimaarneqarnissaanullu, inatsimmi kapitali 2-9-ni imaluunniit §§ 21-mi imaluunniit 22-mi immami ingerlatanit avatangiisinik mingutsitsinerup pitsaaliorneqarnissaa killersorneqarnissaalu pillugu maleruagassanut ilaanngitsunik maleruagassanik aalajangersaasoqarnissaanik pisariaqartitsisoqalissappat, matumani siunissami nunat tamalaat akornanni isumaqatigiissutit piviusunngortinnissaanut atorneqarsinnaalluni soorlu nunat tamalaat akornanni imaani avatangiisinik mingutsitsineq pillugu isumaqatigiissutini maleruagassanik aalajangersaanermi aamma Naalagaaffiit Peqatigiit Imarsiornermut Suliniaqatigiiffiata iluani.

Taamaalilluni aalajangersagaq malillugu assersuutigalugu Kalaallit Nunaata eqqaani imartani aningaasaqarnikkut immikkut oqartussaaffigisami immikkut ittumik ingerlatanut imaani avatangiisinik sunniuteqartunut maleruagassanik aalajangersaasoqarsinnaavoq, matumani imartap immikkut qanoq ittuussusaa pissutigalugu imaluunniit ingerlatat mingutsitsinissamut aarlerinaatillit piareersimaffiginiarlugit. Assersuutit taaneqarsinnaavoq (“tankeqarfiit imaani puttasut”) aamma umiarsuarnik kangerlunni angalajunnaartitsigallarneq il.il. pillugit aalajangersaasoqarsinnaaneramik periarfissanik pisariaqartitsisoqalersinnaavoq. § 22 a-mi aalajangersagaq siunnersuutigineqartoq aamma inatsimmi aalajangersakkani allani aalajangersaaffigineqarsimanngitsunut imaarsineranut imaluunniit igitsineranut aalajangersaanissamut atorneqarsinnaavoq

§ 22 a-p ilanngunneqarnissaanut siunnersuutip kinguneratut miljøministeri imaluunniit forsvarsministeri § 22 a malillugu aalajangersakkat malinneqarnissaannik nakkutilliisinnaalissapput, tak. inatsimmi § 31, imm. 1. Nakkutilliinermik oqartussaaffik aamma politiit nakkutilliinermut atatillugu politiit pisariaqartitamik kinaassutsimut uppersaateqarlutik, eqqartuussivitsigut aalajangiinertaqanngitsumik umiarsuarnut ikisinnaapput, tak. § 31, imm. 2. Aammattaaq nakkutilliinermik oqartussaaffik

misissuisinnaavoq, misiligutinik tiguisinnaavoq, assiliivimmik assiliisinaalluni, uppersaatiqut allakkianik kopeerisinaalluni tiguisinaalluniluunniit kiisalu akiliuteqarani pigisanik allanik tiguisinaalluni, tak. § 31, imm. 3.

Inatsimmi § 31 malillugu Miljøministerip nakkutilliusussaataanera Miljøstyrelsenimut § 34, imm. 1 malillugu suliassanngortinneqassasoq naatsorsuutigineqarpoq. Miljøministerip inatsit malillugu nakkutilliinera akisussaasuuneralu allaffissornikkut nakkutilliinermut tunnganeruvoq, miljøministerimmi ataani oqartussat Kalaallit Nunaanni najuutinngimmata. Nakkutilliinermi suleqatigiinneq pillugu Miljøstyrelsenip, oqartussaqarfiillu allat akornanni isumaqatigiittoqarsinnaavoq. Aalajangersakkap siunnersuutigineqartup atuutsinneqalerneranut atatillugu nakkutilliinermik aaqiineq naleqqunnerpaaq pillugu aalajangiisoqarnissaa siunertaralugu oqartussat attuumassuteqartut akornanni oqallisiginittoqarumaartoq naatsorsuutigineqarpoq.

HFO-mik inertequtip atuutsinneqalernerani inatsimmi § 34, imm. 2 malillugu naammagittaalliorsinnaatitaaneq pillugu aalajangersaasoqarnissaa aammattaaq naatsorsuutigineqarpoq. Matumani aalajangiinerit miljøministerimut naammagittaalliuutigineqarsinnaannginnerat pillugu aalajangersaasoqarumaartoq naatsorsuutigineqarpoq.

§ 22 a-mik ilanngussinissamik siunnersuut inatsimmi § 46 allannguutissat siunnersuutigineqartumut ataqatigiissillugu isigineqassaaq, tak. Inatsissat siunnersuummi § 1, nr. 2, tamatumalu kingorna § 22 a-mi taaneqartunik maleruagassanik unioqquitsineq akiliisitsilluni pineqaatissiisoqarsinnaavoq, aammattaaq piaaraluneerluni imaluunniit sakkortuumik mianersuaalliorluni unioqquitsineruppat, unioqquitsinikkullu avatangiisit ajoqserneqarsimappata, imaluunniit taamatut pisoqarnissaa aarlerinaateqalersimappat, imaluunniit nammineq allalluunniit aningaasatigut iluanaarutigineqarsimappata imaluunniit tamanna siunertarineqarsimalluni, sipaarutit ilanngullugit, Kalaallit Nunaanni pinerluttulerinermut inatsit malillugu pineqaatissiisutinik allanik eqqartuussisoqarsinnaavoq. Naatsorsuutigineqarpoq HFO-mik inertequt pillugu maleruagassanik unioqquitsisimaneq pillugu maleruagassanik aalajangersaasoqarumaartoq. Aalajangersakkanik unioqquitsinermut pinerluutigisimasamut akisussatinnearneq umiarsuaatileqatigiiffimmu atortuutinneqassaaq. Taamaattorli umiarsuup naalagaa piaaraluni imaluunniit sakkortuumik mianersuaalliorluni unioqquitsimappat, umiarsuup naalagaanut (umiarsuaatileqatigiiffiup saniatigut) pinerluutigisamik suli akisussaatisisoqarsinnaavoq

Nr. 2-mut

Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsimmi atuuttumi § 46, imm. 1 malillugu, maleruagassat § 6, imm. 2, § 7, imm. 2, §§ 9 og 11-14, § 16, imm. 2-4, § 18, imm. 2, § 19, § 20, imm. 4, § 21, imm. 4, aamma §§ 22, 24, 25 aamma 41 malillugit, maleruagassanik unioqquitsineq pillugu akiliisitsilluni pillaatissiisoqarsinnaavoq. § 46, imm. 3 malillugu, maleruagassanik imm. 1-imi taaneqartunik

unioqutitsineq Kalaallit Nunaanni pinerluttulerinermi inatsit malillugu pineqaatissiissutinik allanik eqqartuussissuteqartoqarsinnaavoq, unioqutitsineq piaaraluni imaluunniit sakkortuumik mianersuaalliorluni unioqutitsinerusimappat, aamma unioqutitsinikkullu avatangiisit ajoquserneqarsimappata, imaluunniit taamatut pisoqarnissaa aarlerinaateqalersimappat, imaluunniit nammineq allalluunniit aningaasatigut iluanaarutigineqarsimappata, matumani tamanna siunertarinqarsimalluni, sipaarutit ilanngullugit. § 46, imm. 3 nunanit allanit umiarsuarnit unioqutitsinernut atuutinngilaq, tak. § 46, imm. 4.

Kalaallit Nunaata eqqaani imartani aningaasaqarnikkut immikkut oqartusaaffigisani avatangiisit illersorneqarnissaat pillugu inatsimmi § 46, imm. 1-imut allannguutissatut siunnersuut malillugu siunnersuutigineqartumut § 22 a-mut innersuussineq ilanngunneqassaaq, tak. inatsisissatut siunnersuummi § 1, nr. 1.

§ 46 , imm. 1-imut allannguutissamut siunnersuutip nassatarisaatut § 22 a-mi taaneqartunik maleruagassanik unioqutitsineq akiliisitsilluni kinguneqartitsisoqarsinnaavoq. § 46, imm. 1-p siunnersuutigineqartup aammattaq sunniutigissavaa, qallunaat kalaallillunniit umiarsuaannit § 22 a-mik unioqutitsineq Kalaallit Nunaanni pinerluttulerinermi inatsit malillugu pineqaatissiissutinik allanik eqqartuussisoqarsinnaavoq, unioqutitsineq piaaraluni imaluunniit sakkortuumik mianersuaalliorluni unioqutitsinerusimappat, aamma unioqutitsinikkullu avatangiisit ajoquserneqarsimappata, imaluunniit taamatut pisoqarnissaa aarlerinaateqalersimappat, imaluunniit nammineq allalluunniit aningaasatigut iluanaarutigineqarsimappata, tak. inatsimmi § 46, imm. 3 aamma 4.

Maleruagassat unioqutinneqarnerani inatsisip nalinginnaasumik aaqjissuunneqarsimanera malillugu aamma naalagaaffiup advokatiata nalunaarutaa nr. 5/1999 ulloq 17. april 2015-mi iluarsartuunneqartoq malillugu pingaarnerusumik suliffeqarfiup akisussaaffigaa. Taamaalilluni umiarsuaatileqatigiiffiup pingaarnerusumik HFO-mik inerteqqut pillugu maleruagassat malinneqarnissaannut pisussaaffilerneqassapput.

Aalajangersakkat unioqutinneqarneranni pinerluuteqarsimasutut akisussaaffik taamaattumik umiarsuaatileqatigiffimmut atuutsinneqassaaq, assersuutigalugu umiarsuup naalagaanut (umiarsuaatileqatigiiffiup saniatigut) ilaatigut taanna piaaraluni iliuseqarsimappat imaluunniit sakkortuumik mianersuaalliorsimappat.

§- 2-imut

Inatsit ulloq 1. juli 2024-mi atuutilersinneqassasoq siunnersuutigineqarpoq.

Inatsit Kalaallit Nunaannut toqqaannartumik atuuppoq.

Ilanngussaq 1

Inatsisisatut siunnersuut inatsisinut atuuttunut naleqqiullugu

<i>Oqaasertaliinerit atuuttut</i>	<i>Inatsisissatut siunnersuut</i>
	<p>§ 1 Kalaallit Nunaata eqqaani imartani aningaasaqarnikkut immikkut oqartussaaffigisaq pillugu inatsimmi nr. 1534, 19. december 2017-imeersumi tulliuuttut uku allannguutigineqassapput:</p>
	<p>1. § 22-p kingorna kapiteli 10 ilanngunneqassaaq:</p> <p>»§ 22 a. Miljøministeri immami ingerlatanit mingutsitsinerup pitsaaliornissaanut killilernissaannullu maleruagassanik, kapitali 2-9 imaluunniit §§ 21 imaluunniit 22-mi maleruagassanut ilaanngitsunik, aalajangersaassaaq, matumani nunat tamalaat akornanni isumaqatigiissutit eqqortinniarlugit.«</p>
<p>§ 46. Maleruagassani § 6, imm. 2, § 7, imm. 2, §§ 9 og 11-14, § 16, imm. 2-4, § 18, imm. 2, § 19, § 20, imm. 4, § 21, imm. 4, aamma §§ 22, 24, 25 aamma 41 malillugit, aalajangersarneqarsimasunik maleruagassanik unioqqutitsineq pillugu akiliisitsilluni pillaatissiisoqarsinnaavoq. <i>Imm. 2-3. ---</i></p>	<p>2. § 46, imm. 1-imi »§§ 22,« kingorna ilanngunneqassaaq: »22 a,«.</p>